

30 JOHR STEDTLISCHIISSER



Ähti Fründe weimer sii!

Reporter: «Unser Verhältnis zu den Deutschen war noch nie so gut wie heute.
Wir holen eine Meinung von der Strasse ein»:

Mir löh doch die Dütsche z Dütschland, denn dört si die die gwöhnt!
Du chasch i dr Schwiz jo nümme läbe, wenn s gäng so preussisch tönt.
Wenn d Schwobe dört obe blobe, wär ig unheimlech froh:
Mi Arzt, mi Pfarrer und mi Chef wäre nämlech nümme do,
Mi Arzt, mi Pfarrer und mi Chef...und d Chefsekreterärin...und dr Profässer
... und dr Oberassischtänt... und d Chrankeschwöschter
... und mini Schwigermueter !! wäre alli nümme do! (Juhui!)

Deutscher: «Jo aber, des könnet ihr doch net mache! Ich ha jo d Schwiiz so gern!
Und ausserdem bin ich ja sozusä en Flüchtling! Ihr hend doch do e humanitäre Tradition!»

Ich bringe Euch doch nur mis Gäld verbi!
S isch immer so gsi. S isch immer so gsi.
Will d UBS luegt jo nid so gnau hi.
S isch immer e so gsi.

Schweizer: «GÄLD!! – Jo, das isch natürlech ganz öppis anders! ...»

Ähti Fründe, die stöh zäme!
Wenn du Stütz bringsch, git s kei Frömdi wit und breit.
Wenn mir di Spar-Grosche näme,
Isch üsi Gaschtfründschaft so voller Härzlichkeit:
Fründe, Fründe, Fründe simmer jo!
Hauptsach isch, di Chlütter dä blibt do.
Ähti Fründe, die stöh zäme, gäge Frömdefindlichkeit!

Peer Steinbrück: «Aha! FLUCHTGELD! Die Schweizer Gnomen und Bankenindianer sind entlarvt!
Im Namen von Deutschlands Steuerhöll... äh Steuergerechtigkeit: Wir schicken die Kavallerie!»

Es reicht! Das Schweizer Bankgeheimnis, das geht uns auf den Sack!
Die UBS, die Credit Suisse, das ist ein Lumpenpack!
Zum Teufel jetzt mit Datenschutz und Völkerharmonie!
Zum Halali! – Ich schick die Kavallerie!
Auf sie! Mit «Umba umba umba Täterä, Täterä, Täterä!»

Schlachtenlärm

Die Schlacht isch verlore, s Bankgeheimnis isch verbi!
Und d Schwiz wird neu gebore als dütschi Kolonie.
Jetzt frässe mer Kartoffelstumpf mit Bockwurst und mit Kraut
– Was sölls! –
S' Läbe unter Dütsche isch üs jo scho lang vertraut!

Das isch doch glich! Das isch prima – viva Colonia!
Jetzt heisse mer halt Rüdiger, Edeltraut und Horst,
Am Tag bezieh mer Kindergeld und zobe hei mer Dorscht
Das isch doch glich! Das isch prima – viva Shaqiria!
Die hei üs nämlech nötig! Ohni üs ir Mannschaft inne
Chöi die s vergässe je no einisch d Fuessball-WM z gwünne!

Medley diverser deutsche Karnevalslieder: Mer losse dr Dom in Kölle.
Wir sind alle kleine Sünderlein, Echte Fründe stohn zesamme.
Umba umba umba täterä, Viva Colonia

Zur Leinenstube Solothurn



WÄLCHLI METZG
IM HERZEN VON SOLOTHURN
Friedhofgasse 9 • 4500 Solothurn
Telefon 032 622 32 93 • www.waelchli-metzg.ch
IHR SPEZIALIST MIT HAUS- UND PARTYSERVICE

HOFER AG
Goldschmied im Roten Turm
CH-4502 Solothurn
www.goldschmied-hofer.ch
Eigenes Atelier



Physiotherapie
Postmarkt
Grenchen

Dr Zocker-King

Dr Zocker-King Vasella zockt jetzt no ir Früehpension!
Für dass är niene nüt me schafft, kassiert är mängi Million.
Do lob i mir dr Murer Ueli, schnurrt är au längs wie brünschtiger:
Dä schafft jo au rein niene nüt – doch das bedütend günschtiger!

Melodie: Mani Matter, Wecker



Solothurnerlied Version 2.0

S lit es Stedtl wunderhübsch am blaue blaue Naarestrand
S gugget dr Santurse-Turm wit wit use über s Land.
Vo dr Oesch bis fasch uf Gränche
Vom Limpach bis zum Wissestei:
Überall nur Soledurn! – E Grossstadt, dasch alles was mir wei!

Melodie: Joseph Haydn, Nationalhymne Deutschlands



Dasch dr Banga Style

D Stimmig und au s Klima do in Gränche si perfekt
Vo Mobbing cha kei Red si, wär das seit het e Defekt,
E Zämeschiss schadt emel keim, wenn s nid masch liide, gang!
Wär lang do schaffet, chündet, doch wär schaffet do scho lang?

E Gheimbricht seit, es sigi gheim, doch öppis sigi klar
I mobbi wär i mobbe chönn, i sig dr Mobbing-Star.
Dasch Chabis! So Sensibeli! Wo chiem me do au hi?
Ohni schigganiere funktioniert kei Monarchie!

Jo i regiere ohni Maniere,
Das isch dr Hit, so blib i fit
Es gieng a d Niere, mir z opponiere,
Wenn eine murt, denn isch er furt,
All die Feigling zieh dr Schwanz ii! Wär wär scho ne Gägner wär?!
Keine! Bühni läär, läär, läääää!

... Dasch dr Banga Style,
Banga Style! Macht Macht Macht Macht, dasch dr Banga Style,
Eeeey armi Gränchner: Macht Macht Macht Macht, dasch dr Banga Style
Eeeey armi Gränchner: Macht Macht Macht Macht, macht dr Banga geil

Mi Barbara und i regiere wie dr Aga Khan
Gränche heisst Bangasie, Provinz Barbaristan.
Grad d Fraue garantiere mir mit ihrer Stimm mi Sitz
He jo, si si jo d Haupt-Objekt i mine Herrewitz.

I bi dr Grösch, us Gränche mache mir Das vierte Reich!
Do wird dr Lenin und dr Stalin und dr Mao bleich
I bi die roti Sunne und nur öppis stört mi Wahn
Dr Lohn isch noni dä wie dä vom Kurt in Kurtistan.

Was chöi die Wahle mi scho schiniere
Denn z ringsedum, si alli z dumm.
Gäg mi traut keine me z kandidiere,
Wenn eine murt, denn isch er furt,
All die Feigling zieh dr Schwanz ii! Wär wär scho ne Gägner wär?!
Keine! Bühni läär, läär, läääää!

... Dasch dr Banga Style,
Banga Style! Macht Macht Macht Macht, dasch dr Banga Style,
Eeeey so si d Gränchner: Macht Macht Macht Macht, macht dr Banga geil
Eeeey so si d Gränchner:
Dasch dr Banga Style!

Melodie: PSY, Gangnam Style



Gschtabi am Pischterand

Mi Trainer seit, är glaub a mi, i fahri jo ganz guet.
Wenn i mol wider 50zgisch bi, macht är mir früsche Muet.
Är seit: Du schaffsch das scho! – S isch no jede abe cho!
I säg euch, dä stresst mi so, jetz nimm i no
Es Kafi am Pischterand, statt z rase für s Vatterland!
Isch das nid cool? Isch das nid geil? Isch das nid gmüetlech?
Es Kafi am Pischterand, setzt d Zwüschezit gwüss i Sand.
Doch das muess i ha. Uf die paar Minute chunnt s au nümme druf a!

Mi Trainer pflegt dr Dialog, das stercht mi au mental!
Und d Techniker si Spitze – mir hei s beschte Material.
I mache vil Fortschritt: D Schi si dra! D Bei si fit!
S isch nur dr Faktor Zit! Dä brucht no chli Zit.
E Gstabi am Pischterand, stemmt abe für s Vatterland!
Isch das nid küehn? Isch das nid cool? Isch das nid gmüetlech?
Als Gstabi am Pischterand, träum i vom Palmestrand.
Und bis i dunde bi isch d Pischte grünen und dr Früehlig im Land!

Melodie: Vreni Schneider, Es Kafi am Pisterand




Singing fighters

So ne Chrieg gwünnsch nur mit Taktik, will dr Gägner dä isch lischtig.
D Strategie basiert uf Tarnig, Tüschig und maskierter Rüschtig.
Jo me weiss es z Nordkorea, z Kabul und au z Timbuktu:
So ne Force de frappe bruucht d Schnälligkeit und d Zächi vom ne Gnu!

Erschti Vorstöss schlö is Lääre, will me kämpft gäg' Terrorische.
Doch vo Süde gäge Norde stosse si jetz vor, die Chrischte.
No ne Camouflage-Attacke und em Gägner nimmt s dr Schnuuf:
Malmö muess kapituliere. Hurra! D Heilsarmee tritt uf!

Melodie: Mani Matter, Alpeflug



Minders Wirkung

Wenn d Minder – Initiative agnoh wird, isch Schluss
Mit Boni und Casino-Lönn für jedi hohli Nuss!
Wär sis Salär nid ächt verdient, dä muess denn eifach go.
Wär sich bim Lohn wott sälbschtbediene wird frischtlös entloh.
Dr Diräkter, dr Verwaltigsrot, zieh nümme Stütz wie Schnee.
Jede Boss wo wott kassiere, jede Bänker bim Garniere, jede Scheffler, jede Zocker het s denn gseh!
Au ir Stadt git s das und dene tuet s de weh: S git plötzlech keini Chefbeamte me.

Melodie: Reinhard Mey, Es gibt keine Maikäfer mehr